



SIPA U akciji "Kamagra" uhapšena dvojica Banjalučana

Prodavali preparate za potenciju iz Indije i Srbije

Slobodan Đurđević, zaposlenik Uprave za indirektno oporezivanje BiH, i banjalučki ugostitelj Zoran Gudalo Ćenta nelegalno prodavali "kamagra" u stanu i kafanama

Dvije osobe iz Banje Luke uhapšene su jučer ujutro zbog sumnje da su nelegalno prodavale lijekove uvezene iz Indije i Srbije. Uhapsili su ih pripadnici Agencije za istrage i zaštitu BiH (SIPA) nakon višemjesečne istrage.

Povučen sa policia

Kako se nezvanično saznaje, uhapšeni su Slobodan Đurđević, zaposlen u Upravi za indirektno oporezivanje BiH, i banjalučki ugostitelj Zoran Gudalo zvan Ćenta, koji je odranije poznat policiji po više krivičnih djela. Obojica su odvedena u prostorije SIPA-e u Banjoj Luci, gdje je nad njima obavljena kriminalistička obrada.

Đurđević i Gudalo sumnjice se da su više mjeseci nelegalno uvozili lijek "kamagra", koji služi za pojačavanje potencije muškaraca. Ovaj lijek je prije nekoliko mjeseci povučen sa policia apoteka u BiH, ali su njih dvojica upravo u tome vidje-



Privođenje jednog osumnjičenog

(Foto: Print skrin)

la priliku da zarade.

- "Kamagra" je do prije nekoliko mjeseci imala svaka apoteka i dobro se prodavala. No, Agencija za lijekove proglasila je "kamagra" nedozvoljenom pa je svaka daljnja prodaja na cijeloj teritoriji BiH postala nelegalna - rečeno je za "Dnevni

avaz" u jednoj banjalučkoj apoteci.

Apotekari s kojima smo razgovarali, kažu da ovaj lijek, koji dolazi u raznim oblicima, od tableta do gela, nije ispitan te da su ga, nakon zabrane, sklonili sa policia. Od tada se "kamagra", kako su nam rekli, mogla naći u prodaji preko oglasa na internetu, a vidjeli su i nekoliko oglasa zalijepljenih na stubovima ulične rasvjete.

Tablete i gel

- Nije mi jasno da neko može tako prodavati nešto što je proglašeno ilegalnim i što može ozbiljno narušiti zdravlje kupca. Još mi je manje jasno da postoje ljudi koji to kupuju iako znaju da je riskantno. To je nešto što nije ispitano i ljudi se ne bi trebali igrati s neproverenim lijekovima - rekla je za "Avaz" jedna apotekarka.

Đurđević i Gudalo navodno su "kamagra" ilegalno

prevozili iz Srbije, a zatim je prodavali u stanovima i kafanama. Agencija za istrage i zaštitu pretresla je tokom akcije dva stana i jedan ugostiteljski objekt. Oduzete su 394 kutije gela "kamagra" od po 100 miligrama, 14 kutija "vijagre", 41 kutija šumećih tableta "kamagra", 21 kutija "cijalisa" od 20 miligrama, "mak king" i "tajger king" te mobilni telefoni, SMS kartice i drugi predmeti.

Đurđević je prije tri godine bio u centru afere u Upravi za indirektno oporezivanje BiH kada je tadašnji direktor Kemal Čaušević najavio i njegovu smjenu zbog nelegalnih radnji prilikom carinjenja u ispostavi u Bosanskom Novom. Gudalo se dovodio u vezu s lopovima koji su opljačkali jednu zlataru u Kotor-Varoši, a on je veću količinu zlata otkupio od njih, navodno ne znajući da je roba ukradena.

M. DRAGOJLOVIĆ



Oduzeti lijek "kamagra" opasan po zdravlje

(Foto: SIPA)